

2 TIMOTEO 1:3-7

KANAMI NGA GRASYA... (5 PUNTO)

● 1ST –ANG GRASYA SANG DIOS... vs. 3-4

○ 1ST –Nagapasamat ako sa Dios... vs. 3

- PASALAMAT – 156 nasualat sa NT (*important ini*) – nga mga grasya sang Dios...
- Nagapalamat si Pablo kay siling niya may GRASYA siya!
- Grasya ukon bugay- permi naton ini mabatian sa simbahan- ano ang buot silingon sini...
- Amo ini ang pinaka importante nga pulong sa New Testament...
- Kay paagi sa Grasya sang Dios-naluwas kita kag ginpain!

○ 2ND - LUWAS paagi sa GRASYA...

- LUWAS kita paagi sa Grasya-paagi sa PAGTUO- regalon ini sang Dios– **Efeso2:8-9**
 - Ang pulong nga GRASYA- amo man sa REGALO...
 - Naghatag ang Dios sang dako nga regalo sang pagkamatarong kag langit paagi kay Jesus
 - Wala naton ginpangabudlayan- kag indi man kita takos magbaton sini...
- Kon may maghatag sa aton sang regalo- pwede mo indi pagbatunon...
 - Ang aton bahin sa kaluwasan amo ang pagtuo kag magbaton sang regalo sang Dios...
 - Indi gusto sang Dios nga may mag-antos – **2 Pedro 3:9** – pero ginhatag Niya ang pagpili..
 - Ginhatag niya sa tanan ang regalo kag bisan sin-o ang magpili kag magbaton sini...
 - Pwede nga mag indi kita kag indi makalakat sa langit...
 - Ukon paagi sa pagtuo batunon halin sa Dios ang dako nga regalo amo ang kaluwasan!
- Ang paagi nga mabaton ang REGALO – paagi sa PAGTUO...
 - **Hebreo 11:1** - “May pagtuo kita kon hugot ang aton pagsalig nga mabaton ta ang mga butang nga aton ginalauman, kag bisan wala pa naton makita *ang mga ginpromisa sang Dios*, nasiguro ta nga mabaton gid naton ini.”
 - Indi naton makita ang Dios- kag ang REGALO nga ginhatag sang Dios indi naton makaptan...
 - Ini mapatihan kag paagi sa PAGTUO nagapati nga ang Dios nagpatawad sa aton mga sala...
 - Paagi sa PAGTUO nagapati kita nga ang kabuhi indi lang diri sa kalibutan...
 - Paagi sa PAGTUO nagapati kita nga sa pila ka adlaw ang Dios madala sa aton sa langit sa wala sang katapusan!

▪ Wala kita sang dapat IPABUGAL...

- Kon maluwas kita paagi sa aton kusog- paagi sa aton MAAYO nga buhat-makapadayaw kita!
- Pero ang kaluwasan REGALO sang Dios- indi na kita makapabugal!
- Si Jesus tanan ang nag obra para kita maluwas- ang langit REGALO ini sang Dios!
- Indi kita kapabugal kay indi kita maayo- makapabugal lang kita sa Dios!
- **Salmo 34:2** “Ipabugal ko ang Ginoo,
kag kamo nga mga ginapigos magpamati kag magkalipay.”

○ 3RD –MAGTUBO sa GRASYA...

- Naluwas kita sa GRASYA- pero paano kita magtubo sa aton paglakat upod si Jesus...
 - Mabatian naton kon paano mangin maayo nga Kristohanon- kay ginatagaan kita layi...
 - Basa Bibliya/magsimba/mangamuyo kada adlaw/palayo sa mga malain nga mga tawo...
 - Damo nga mga Kristohanon nga nagapos sa pagtinguha nga magsunod sa mga layi...
 - Ang ila pinsar nga kon damo ila nahimo sa Ginoo mas matubo sila sa Iya...
 - Pero ang pagbasa sang Bibliya ukon indi pagbasa makabulig nga magmaayo ukon malain kita nga tawo...

- Kon tinguhaan ang pagsunod sang mga layi basi maka bag-o sang kabuhi sa guwa (indi ini magdugay)
- Ang mga layi indi maka bag-o sang aton tagipusoon!
- **Colosas 2:23** - “Kon hunahunaon ta, daw husto man ang ila mga pagtudlo parte sa pagsimba nga ila naluyagan, parte sa pagpaubos kag pagpenitensya sa lawas. Pero ang matuod, ina nga mga butang indi gid makabulig sa aton sa pagpugong sang lawasnon nga mga kailigbon.”
- Ang problema ang aton TAGIPUSOON...
 - **Roma 7:18** – “Kay nahibaluan ko nga diri sa akon, sa akon tawhanon nga kinaugali, wala gid sing maayo, tungod kay bisan gusto ko nga maghimo sang maayo indi ako makahimo.”
 - Ngaa nagahimo ako sang sala nga kabalo ako sala-wala sang mga naga puwersa sa aton- kay gusto naton.
 - Ngaa wala ako nagahimo sang maayo kag insakto- kay indi ko gusto...
 - Ang problema indi kita makabag-o sang aton tagipusoon- paano mo mabag-o ang imo gusto.
 - Ang problema ang tagipusoon/ ang handom- ako ang problema- nagahimo ako sang sala kay gusto ko!
- MAGTUBO paagi sa GRASYA...
 - **2 Pedro 3:18** – “Ang inyo himuon, magpadayon kamo sa pagtubo sa kaayo (grasya) kag kaalam nga halin sa aton Ginoo kag Manluluwas nga si Jesu-Cristo.”
 - MAGTUBO- kada adlaw nga mando sa pagtubo sa grasya!
 - May isa lang ka paagi sa kabuhi nga makabuglig sa aton magkabuhi sa Dios...
 - Makadepende sa aton kusog- magtulok sang mga layi...
 - Ukon magdepende sa kusog sang Dios – magtulok sa IYA/GRASYA- para mag BALAAN kita!
- Ang GRASYA nga nagabulig sa aton...
 - **Binuhatan 20:32** - “Kag karon ginatugyan ko kamo sa Dios kag sa iya pulong, ang pulong nga parte sa iya bugay (grasya), nga makapalig-on sang inyo pagtuo kag makahatag sa inyo sang tanan nga pagpakamaayo nga gintigana para sa tanan nga nangin iya mga anak.
 - **Roma 1:5** – Paagi kay Cristo nabaton namon ang bugay (grasya) nga mangin apostol agod matuytuyan ang tanan nga tawo sa husto nga pagtuo kag pagsunod sa iya...”
 - **Roma 5:1-2** - “...tungod sa ginhimo sang aton Ginoong Jesu-Cristo. Paagi sa iya kag tungod sa aton pagtuo nakabaton kita sang sini nga bugay (grasya) sang Dios...”
 - **2 Corinto 4:15** – “...ang mga tawo nga nagabaton sang bugay (grasya) sang Dios, magadamo man ang mga tawo nga magapasalamat sa iya, kag sa sini madayaw siya...”
 - **2 Timoteo 2:1** – “Ikaw Timoteo, nga *bilang* akon anak, magpakabakod ka sa bulig sang Dios. Ini nga bulig mabaton mo tungod kay ikaw ara na kay Cristo Jesus.”
 - **Hebreo 12:28** – “Gani magpasalamat kita sa Dios tungod (sa grasya)...Magsimba kita sa iya sa paagi nga iya naluyagan, nga may pagtahod kag kahadlok.”
 - **Hebreo 13:9** – “...maayo nga palig-unon ta ang aton pagtuo paagi sa bulig (grasya) sang Dios”
 - **Tito 2:11-13** – “...Kag ina nga bugay nagatudlo sa aton nga dapat isikway ta na ang pagkabuhi nga indi diosnon kag ang mga kalibutanon nga mga kailigbon...”
- Paano kita makakuha sang GRASYA...
 - **1 Pedro 5:5 / Santiago 4:6** – “Ginasumpo sang Dios ang bugalon, pero ginakaluoyan (grasya) niya ang mapainubuson.”
 - Ang una nga nahambal sa aton nga ginasumpo sang Dios ang bugalon- nagapamatok siya...
 - Kon ang Dios nagapamatok sa aton- dako ang problema- ma pierdi gid kita!
 - Bugal- indi hapos makita sa aton kabuhi pero amo indi ang naga padagdag sa aton...
 - Bugal sa imo nagapinsar nga kabalo ka na sang tanan/insakto ka permi/indi na pagtudluan.

- Ang bugal nagahambal man sa imo nga wala wala ka/huya huya/kaugalingon lang napinsar.
- Basi pagpabugal ukon indi tuod nga pagpaubos- ang imo pinsar naka tuon lang sa imo...
- Kon ang kaugalingon ang napinar wala nagatulok kay Jesus- kalaglagan ang matabo!
- **Hulubaton 16:18** – “Ang pagpabugal kag pagkamatinaas-taason sang tawo makalaglag sa iya.”
- Ang Dios kaupod sa aton...
 - Gusto Niya kita mapaslan para makita naton nga indi magsalig sa aton kusog...
 - Gusto niya nga may silot sa aton sala para mag paubos kita!
 - Kay sa aton pag-paubos makita naton ang importante nga leksyon nga kita ang problema!
 - Dira naton makita nga kinahanglan naton SIYA kag mangayo sang IYA nga GRASYA!
 - Kag ang Iya nga GRASYA- si Jesus makahatag sang tuod nga pagbag-o...
 - Siya ang makahatag sang bag-o nga tagipusoon kag bag-o nga kabuhi...
 - Sa kita magpalapit kay Jesus- Siya ang may gahom sa pagbag-o sa aton sulod kag sa guwa...
 - **Roma 6:14** – “Gani ang sala indi dapat maggahom sa inyo, kay wala na kamo sa idalom sang Kasuguan, kundi ara na sa idalom sang bugay (grasya) sang Dios.”
- **2ND –ANG RESULTA SANG GRASYA SA ATON... vs. 3-4**
 - o 1st – Si Pablo nag-alagas nga may PUTLI nga konsensya... vs. 3
 - PUTLI- mangin matinlo/wala mantas/ wala malain nga motibo...
 - May ara nga nagahimo maayo nga butang pero malain nga motibo...
 - Ang pag-alagad sa Ginoo indi lang sa aton nahimo pero sa motibo ngaa nagahimo kita sini...
 - Damo naga alagad tungod sa ila kadalok nga motibo-basi gusto lang makita...
 - Maabot ang tion ang Ginoo matesting kag mapakita sang motibo sang aton pag-alagad/buhat...
 - Kag ang mga putli- halin sa grasya sang Dios magatindog!
 - **1 Corinto 3:13** – “Pero sa adlaw sang paghukom, mahibaluan kon ano nga klase sang mga materyales ang gin-gamit sang kada isa, kay pagatilawan ini sa kalayo.”
 - o 2nd Kaangay sang ila mga katigulangan... vs. 3
 - Ang grasya nga naghatag kusog kay Pablo sa pag-alagad nga may putli mga konsensya...
 - Amo man nga grasya halin sang una sang tion sang ila mga katigulangan...
 - **Genesis 15:6** – “Nagtuo si Abram sa Ginoo, kag tungod sang iya pagtuo ginpakamatarong siya.”
 - Ang tanan nga mga tumuluo sa Old Testament naluwas paagi sa hulat sa krus ni Cristo...
 - Ang tanan subong naluwas paagi sa pagpabalikd sang sakripisyo ni Jesus...
 - May isa lang ka paagi nga maluwas- kag ina paagi sa grasya sang Dios!
 - o 3rd –Pagdumdom sa iban... vs. 3-4
 - Si Pablo permi ginadumdom si Timoteo sa iya pangamuyo- gab-i kag adlaw...
 - Pinsaron naton nga si Pablo ara sa priso- nagahulat nga patyon!
 - Imbis nga mangayo siya pangamuyo siya pa ang nagapadayon pangamuyo sa iban!
 - Damo nga tion nga kon mangamuyo kita- para lang sa aton kabuhi ang aton pangamuyo...
 - Pero kon tagaan naton tion mangamuyo para sa iban- mabag-o ang aton panulok...
 - Ang tanan naton nga problema madula sa kita nagapangamuyo sang mas dapat sa palipot!
 - Dako ang luyag ni Pablo nga makita si Timoteo...
 - Dako gid ang luyag- nagahandom- mas labaw sa tanan...
 - Si Pablo dako gid ang handom nga makita si Timoteo!
 - Nga si Pablo mapun-an sang kalipay nga makita ang iya bata sa pagtuo – **2 Timoteo 1:2**
 - Nadumduman niya ang iya mga paghibi...
 - Ang kabuhi sa siyudad sang Efeso indi hapos-ang pag-alagad budlay kag damo paghibi!
 - Abi ni Pablo daw mapatay na siya- wala siya nalipat sang kabudlay ni Timoteo...
 - Kay sa katapusan si Pablo naghambal tungod lang sa GRASYA- dumdumon ang iban!

- Ang kamatuoran- ang aton lang kaugalingon permi naton napinsar...
- Magbugtaw kita sa aga-aton na pinsar pagkaon/ maligo/ mahimos sang aton kaugalingon...
- Ang aton lang kaugalinon nga gusto kag kahapos malipat magpinsar sa iban...
- Kinahanglan ang grasya sang Dios nga kalimtan ang kaugalingon kag pinsaron ang iban!
- **Filipos 2:4** – “Indi lang ang inyo kaayuhan ang inyo hunahunaon kundi ang kaayuhan man sang iban.”
- **3RD –ANG EBIDENSYA SANG GRASYA... VS. 5**
 - **1st –SINSERO NGA PAGTUO...**
 - Indi malipatan ni Pablo ang sinsero nga pagtuo ni Timoteo...
 - Sinsero- si Timoteo indi hipokrito sa iya pagtuo...
 - Ang pulong nga hipokrito halin sa Griyego nga palagwaon nga naga gamit sang maskara...
 - Ginatago nila ang ila tuod nga hitsura kag ang indi tuod nga maskara ang ila napakita!
 - Ang simbahan ginatawag nga hipokrito- sunda lang ang nahambal indi ang nahimo...
 - Ang pulong nga ginawali nga mangin balaan- pero ang simbahan daw kaangay sa kalibutan!
 - Ang aton pagtulo indi lang sa aton pulong kundi sa aton buhat!
 - **Juan 13:35** – “Kon nagahigugmaanay kamo, ina mahibalan sang tanan nga kamo akon mga sumulunod.”
 - **2nd – Ang pagtuo halin sa Lola kag sa Nanay...**
 - Ang sinsero nga pagtuo ni Timoteo- una halin sa balay ni Lois kag Eunice...
 - Una nga kita ni Pablo kay Timoteo sa siyudad sang Lystra sa iya ika duha nga missionary nga paglakat – **Binuhatan 16:1**
 - Si Timoteo may maayo nga reputasyon sa mga tumulo sa Lystra kag Iconium...
 - Ginpadako siya sa diosnon nga panimalay...
 - Bisan indi tumuluo ang iya amay pero ang iya nanay kag ang iya lola tumuluo!
 - Sigurado budlay kon ang Tatay kag Nanay indi tumuluo...
 - Ang mga matun-an sang mga bata indi insakto...
 - Pero indi ini makapugong sa mga bata nga magsunod kay Jesus...
 - Ang bana nga tumuluo ukon asawa maka hatag dako nga impluwensya sa mga kabataan...
 - Kag basi wala gid sa mga ginikanan nagasunod kay Jesus-ang mga Lolo kag Lola makabulig!
 - Isa lang ka tawo nga handa magbulig sa isa ka bata- makita ang dako nga pagbag-o!
 - **3rd –Nasiguro nga ara man sa imo ang patuo...**
 - Nasiguro ni Pablo nga may pagtuo si Timoteo...
 - Si Timoteo natagaan sang maayo nga ihimplo- pero may pagpili siya sa pagsunod kay Jesus!
 - **2 Timoteo 3:14-15** – “Pero ikaw iya magpadayon gid sa mga kamatuoran nga imo natun-an kag ginatuohan...Halin sang bata ka pa nahibalan mo ang Balaan nga Kasulatan, kag ina makahatag sa imo sang kaalam sa pag-angkon sang kaluwasan paagi sa pagtuo kay Cristo Jesus.”
 - Kon may diosnon nga ihimplo ang bata indi buot silingon nga mangin diosnon man siya...
 - Ang mga gininkanan may responsabilida sa pagtudlo sa kabataan parti sa Ginoo...
 - Pero ang Dios wala apo- dapat kita mismo magdesisyon sa pagsundo kay Jesus!
- **4TH –MAGMAPISAN SA PAGGAMIT SANG ABILIDAD... VS. 6**
 - **1st – Magmapisan- diri lang sa NT- ibalik ang kalayo sa pag alagad...**
 - Regalo- Charisma- diri naton nakuha ang Charismatic...
 - Nagahambal sang mga regalon sang Dios sa mga tumulo sa simbahan...
 - Halin sa pulong nga Charis- buot silingon regalo ukon grasya!
 - May 23 ka regalo nga nasulat sa NT- **Roma 12 / 1 Corinto 12 / Efeso 4**
 - Mag regalo sa paghatag/ pagdumala/kaluoy/milagro/paghambal sang lain nga linguahe!

- Si Timoteo wala nagpili sang regalo – ginhatag ini sa iya...
 - Ang tanan nga mga napun-an sang Espiritu may isa ukon damo nga regalo...
 - Wala kita naga desisyon sa regalo nga aton mabatan-ang Balaan nga Espiritu ang gahatag...
 - Ang Balaan nga Espiritu makahatag bisan anon ga regalo kon kinahanglan!
 - **1 Corinto 12:11** - “Pero isa gid lang ka Espiritu ang nagahatag sini tanan, kag ginapanagtag niya ini sa tagsa ka tawo suno sa iya gusto.”
- Ika 2 ini nga tion nga ginpabakod ni Pablo si Timoteo nga gimiton ang Regalo – **1 Timoteo 4:14**
 - Wala kita kasigurado ko ano ang regalo- siguro sa pagsugid kay Jesus– **2 Timoteo 4:5**
 - Siguro si Timoteo sako sa pagtudlo sa simbahan ukon huya huya siya...
 - Siguro si Timoteo indi siya handa nga gamiton sang Dios sa tanan niya nga masarangan...
 - Kinahanglan niya nga padumdumon nga gamiton ang iya regalo sa Dios!
 - Kon may makita kita nga regalo sa iban-buligan naton sila nga magamit ang regalo!
 - Kon may makita kita nga may regalo sa pagkanta-buligan nga indi sila mahuya...
 - Kon may abilidad sa pagtudlo- hatagan sila opurtunidad sa pagsugod tudlo Bible study...
 - Indi sila pagpabay-i nga panginwala ang regalo nga ginhatag sa ila sang Dios!
 - Buligan sila nga gamiton para mangin bugay ini sa Dios!
- o 2nd –Gintungtungan sang kamot..
 - Ang doktrina sang pagtungtong sang kamot– **Hebreo 6:2**
 - Sa Bibliya-may mga rason nga nagatungtung kita sang kamot sa tawo...
 - Nagatungtung sang kamot para sap ag-ayo – **Binuhatan 9:17**
 - Nagatungtung kita sa tawo sa pagpadala sa pagwali sang Pulong – **Binuahtan 13:2**
 - Nagatungtung kita sang kamot sa pagpadungog sang pagtwag sang Dios – **Binuhatan 6:6**
 - Indi ini sa pagpili kon ano ang regalo sang iban...
 - Kon ibutang lang ang isa sa posisyon nga indi dapat-problema ang resulta...
 - Kon may kinahanglan indi kita magpadali dali butang sang isa ka tawo...
 - Bisan may abilidad kag regalo indi buot silingon nga ikaw dapat sa posisyon...
 - Ang pamangkot indi kon sin-o may damo talento ukon maayo nga ideya...
 - Ang pamangkot sin-o nga gintawag sang Dios- sin-o nga iya na preparar!
 - Si Pablo nakaktia sang regalo nga ara kay Timoteo kag gintungtungan siya sang kamot!
 - Paano mabal-an kon ano ang regalo nga ginhatag sang Dios...
 - Tan-awon naton kon paano kita ginagamit sang Dios sa simbahan...
 - Ang mga sa palibot naton makahambal kon ano aton regalo...
 - Makita kon ano ang ginaobra sang Dios – ang Iya regalo sa aton kabuhi...
 - Kon ang Dios ang nagahimo sang obra-Siya ang mapadayon sina nga obra!
 - **Juan 15:16** – “Indi kamo ang nagpili sa akon kundi ako ang nagpili sa inyo. Ginpili ko kamo agod maglakat kag magpamunga...”
- 5TH –WALA KAHADLOK- WALA KAHUYA... vs. 7
 - o 1st –Wala ginhatagan sang Espiritu agod mahuya...
 - Lain ini nga kahulugan sang kahadlok- nga nahadlukan ang isa ka tawo...
 - Ini nga hadlok amo lang ini sa NT- nahuya ukon naga alang alang mag tuman sa pagtuo...
 - **Indi kita dapat magkahadlok sa pagamit sang aton regalo!**
 - **Ngaa- kay ang Dios naghatag sa aton sa 3 ka butang nga bulos sa kahadlok!**
 - o 2nd –GAHOM...
 - GAHOM- amo man nga gahom nga gingamit sa pagbanhaw kay Jesus halin sa lulubngan...
 - **Efeso 1:19-20** – “Ginapangamuyo ko man nga mahibaluan ninyo ang gahom sang Dios nga indi matupungan nga para sa aton nga nagatuo sa iya. Ini nga gahom amo man ang iya gin-gamit sa pagbanhaw kag pagpapungko kay Cristo sa iya tuo didto sa langit.”

- Gina limitahan naton ang Dios sa Iya mahimo sa aton base sa aton makita nga abilidad...
 - Kon suguon kita nga wala sa aton abilidad- naga duha duha kita sa pagtuman sini...
 - Dapat wala kita hadlok sa pagamit sang regalo sang Dios sa aton kay indi basi sa aton mahimo.
 - Parti ini sa pagbanhaw nga gahom sang Dios nga magamit sa aton kabuhi!
- o 3rd – GUGMA
- GUGMA– *agape* – perpekto nga gugma halins sa Dios nga aton Amay...
 - Kaangay sa gamay nga bata nga nagtuon lakat sa una nga tion...
 - Ang ila mga tiil indi pa kusog gani naga katumba pa sila...
 - Wala kita nagapangakig sa ila kon matumba-napatindog sila kag napalakat liwat!
 - Nahadlok kita mag gamit sang aton regalo kay nahadlok nga mapaslawan ang Dios...
 - Basi mapaslaw naton ang Dios kag gamay na ang pagtan-aw Niya sa aton...
 - Ang Dios wala naga kakibot kon matumba kita-kabalo siya nga makahimo kita sang mga sala...
 - Ang importante nga nagapadayon kita sa pagtuo sa pagsunod sa Iya!
 - **Hulubaton 24:16** – “Kay bisan makapito pa malaglag ang matarong nga tawo, makabangon man siya gihapon. Pero kon ang malaot ang malaglag, indi na siya makabangon pa.”
- o 4th –MALIG-ON NGA PAMINSARON-MAKADISIPLINA SANG ATON KAUGALINGON...
- Indi naton makita ang mga opurtunidad kay nagaduda kita kon ara ang Dios sa likod ta!
 - **Santiago 1:6** - “Pero kon magpangayo kamo, dapat magsalig kamo nga ihatag niya ang inyo ginapangayo kag indi kamo magpangduhaduha. Kay ang tawo nga nagapangduhaduha, pareho siya sang balod nga ginahuyop kag ginapalid sang hangin.”
 - Ang sulin sang kahadlok kag pag duda- ang Dios nagahatag sang klaro nga panghunahuan...
 - Kon tan-awon ang Dios naghatag sa aton sang GRASYA-GAHOM-GUGMA...
 - Kon ang tion mag-abot magtikang kita para kay Jesus- indi magduha duha- maglakat ka!